



Universitätsbibliothek Paderborn

**Disputationes|| ROBERTI BELLAR-||MINI E SOCIATE
IESV,|| DE CONTROVERSIIS CHRISTIANAE|| FIDEI,
ADVERSVS HVIVS TEM-||poris Hæreticos,||**

Tribus Tomis comprehensæ.||

DE MEMBRIS ECCLE-||SIAE MILITANTIS,|| TRIBVS LIBRIS|| EXPLICATA.||

Bellarmino, Roberto Francesco Romolo <Heiliger>

Ingolstadii, [1599]

VD16 B 1607

V. Electionem Ministrorum non fieri à solo Deo.

[urn:nbn:de:hbz:466:1-53880](https://nbn-resolving.de/urn/resolver.pl?urn=urn:nbn:de:hbz:466:1-53880)

C A P V T V.

Electionem Ministrorum non fieri à solo.

D E O.

Hic igitur de ordinatione, & vocatione præmissis, ad electionem, de qua præcipua quæstio est, veniamus. sitq; hæc tertia propositio. Electio Ministrorum Ecclesie non fit à solo Deo. Hæc propositio asseritur aduersus errores Ioannis VViclef, & Ioannis Huss, qui dānati sunt in Concilio Constantiens; nam sess. 8. damnatur hic articulus VViclefi, qui est octauus: *Si Papa sit præscitus & malus, non habet potestate super fideles.* Et tursus iste, qui est articulus 40. quique ex octauo deducitur: *Electio Papa à Cardinalibus, per Diabolū est introducta.* Sess. autē 15. damnantur hi articuli Ioan. Huss, Articulus 22. *Papa vel Pralatus malus, & præscitus, est aquinoce Pastor.* Articulus 26. qui deducitur ex 22. *Non eo ipso quo electores, vel maior pars eorum consenserit via voce secundum ritus hominum in personam aliquam, eo ipso illa persona est legitimè electa. Unde siue electores bene vel male elegerint, operibus electi debemus credere.* Hæc ille.

Refellitut iste error, ac sententia nostra comprobatur. PRIMVM exemplo ipsius Dei, qui non semper eligit prædestinatos ad gubernacula politica, vel Ecclesiastica. Nam 1. Reg. 10. Saulēm Deus elegit, qui tamen postea reprobus fuit. & Christus Ioan. 6. Iudam elegit, quem constat minimè prædestinatum fuisse: *Nōnne, inquit, ego vos duodecim elegi, & unus ex vobis Diabolus est?*

SECUNDUO exemplis Apostolorum, qui Act. 6. elegerunt Diaconos, & inter eos Nicolaum, qui postea fuit hæresiarcha. ex quo apparet, eos non laborasse in electione, essēntne prædestinati, an reprobri, quos eligeant, cùm satis intelligerent id sciti non posse.

TERTIO ex Patribus. ORIGENES hom. 4. in librum Iudicum docet, ac demonstrat, s̄pē diuinam prouidētiā ad punienda peccata populorū efficere, ut impij sedeant ad gubernacula tum Regnum, tum etiam Ecclesiarum. Chrysostomus autem hom. postrema in epist. ad Hebræos. Augustinus

nus lib. 2. cap. 4. contra epistolam Parmeniani. & Bernardus serm. 66. in Cantica, docent, homines malos veros Episcopos esse posse si legitimè elegantur. id quod etiam confirmat S. Bernardus ex testimonio illo Ioan. 11. de Caipha: *Cum esset Pontifex anni illius prophetauit.* Fuit enim Caiphas, eis iniquus & reprobis, verissimus Pontifex, cùm eius dignitatis gratia Deus ei dederit, ut prophetaret.

QUARTO ratione. Si solus Deus eligeret Pastores Ecclesiae, aut id faceret sola sua voluntate, sine ullo signo externo & visibili, aut certè visibili aliquo signo; si primum affirmetur, quid nobis eiusmodi electio prodebet? nunquā enim sciremus quis Ecclesiae esset Pastor; si secundum, aut signum illud esset prodigium, ac præter ordinem naturæ, ut columbae descensus; aut cœlestis aliquis fulgor, aut certè loco signi accipiendæ essent sortes, quomodo Apostoli *Auctor. I.* cupientes S. Matthiam eligi à solo Deo, sortibus vñi sunt. At prodigia illa columbae, & luminis rarissima esse solent; certè hoc tempore minimè ea videmus.

Sortibus autem vti, cùm humano consilio res transigi potest, nullo modo licet. Nam aut sortes existimantur gubernari à casu, aut à cœlo, aut à Diabolo, aut à Deo. Si à casu, stultum est homines ratione præditos velle sortibus eligere Pastores suos, & committere fortunæ temeritati, quod poterant consilij maturitate definire: si à cœlo, superstitionis vitium est vti sortibus in eiusmodi electionibus. neq; enim cœlum vim habet moderandi liberas actiones, quales sunt iacere sortes, vel educere: si à Diabolo, impium & sacrilegum est, rerum sacrarum auctorem Diabolum facere: si denique à Deo, peccatum est tentationis Dei, expetere atque exspectare à Deo, vt ipse sortes dirigat, quando neq; ipse id se factum promisit, neque deest humanum consilium. Quocirca Ecclesia rationem eligendi prælatos sortibus, meū improbavit, capite Ecclesia, extra de Sortilegiis. quam rationem reprehendunt etiam Hieronymus in cap. 1. *Ionæ*, & Beda in cap. 1. *Auctor.*

AT IN QVIES, Salomon Proverb. 16. afferit, sortes à Deo gubernari, cùm ait: *Sortes mittuntur in sinu, à Domino autem temperantur.* **R**ESPONDEO, Salomonem dicere voluisse omnia gubernari à diuina prouidentia, etiamsi nobis pland calu

casu quodam fieri videantur, ut id quod sorte alicui contingit. Porro diuina prouidentia in sortibus cernitur, non quod semper qui sorte eligitur sit melior, sed quod siue melior siue peior sit, non sine Dei prouidentia eligatur; qualis prouidentia in omnibus aliis eventibus, quamvis maximè fortuitis, cernitur. Proinde non tollit ista communis prouidentia casum; neque facit ut melius sit sorte præpositos Ecclesiæ eligere, quam suffragiis.

Neque his repugnat exemplum S. Matthiæ, qui sorte electus fuit, nam in primis non fuerunt fortassis illæ sortes proprie dictæ, sed cœleste aliquod lumen super Matthiam à Deo effusum, ut indicare videtur Dionysius Areopagita de Ecclesiastica hierarchia, cap. 5. parte 3. Aut certè sortes illæ veræ, ac propriæ fuerunt, sed priuilegium, atque inspiratio Dei peculiaris cauilla fuit, cur iis Apostoli vterentur. Quia enim Apostoli ceteri à Christo electi fuerant, ne videretur S. Matthias ceteris inferior, voluit fortassis idem Christus per se illum eligere. Itaque inspirauit Apostolis, ut sorte vterentur. Sed priuilegium, ut Hieronymus notauit in caput I. Ionæ, non debet trahi in exemplum ordinatarum electiōnum. Aut postrem sine vilo priuilegio sortibus Apostoli in ea electione vti voluerunt, quod Matthias & Barsabas adeo essent pares sanctitate, & doctrina, ut humano iudicio discerni non posset vter præponendus esset. In eiusmodi enim casibus licitus est sortium usus, tum quia nō tentatur Deus, cùm id ab eo exquiritur, quod humano iudicio declarari nō potest, tum quia nullum est periculum, quicunque sorte exeat, etiamsi planè casu exiret, quando pares sunt, de quibus præficiēdis agitur, & tollitur materia querimoniarum, naliique sit iniuria.

Quapropter sortibus vterendum esse in eiusmodi casibus, docet S. Augustinus lib. I. doctrinæ Christianæ, cap. 28: & in epist. 180. ad Honoratum, quomodo apud Iudæos ex multis sacerdotibus sorte eligebatrū vñus, qui certo tempore thus Domino adoleret; vnde est illud Luc. I. Sorte existit, vt Zacharias incensum poneret, &c. Atque ad hunc ritum respexisse Apostolos in electione S. Matthiæ, testatur Ambrosius in caput I. Lucæ, & Beda in caput I. Actorum.